



## „Waterteken“ op Word-Dokumente

En Waterteken is en Grafik orr Schrifttoog in'n Achtergrund, de op jede Siet vun en Dokment to sehn is – so, as weer he in't Papeer indrückt as en Waterteken fröher – un de beten unopfäl- lig maakt warrt, dat dat bi't Lesen vun den echten Text nich stöört.


### So kriegt Se dat:



- Klickt Se bi **Seitenlayout** in'n Beriek **Seitenhintergrund** op den Knoop **Wasserzeichen**.
- Ut de anbaden fertigen Waterteken köönt Se sik een utsöken, man wisslich wüllt Se sülven een maken un klickt dorwegen op **Benutzerdefiniertes Wasserzeichen**.
- In den Dialog **Gedrucktes Wasserzeichen** köönt Se en **Textwasserzeichen** ingeven. Probeert wi dat as eerst ut.



- Se klickt also op **Textwasserzeichen** un geekt denn Ehm Text bi **Text** in. Dor steiht betherto BEISPIEL, dat övertippt se einfach. In't Bispill nehm ik GEHEIM.
- Ünner de Textingaav köönt Se de Schriftart verännern, as wi dat wennst sünd, un ok de Grött (**Größe**) un Klöör (**Farbe**).
- De Hoken bi **Halbtransparent** seggt, dat dat Waterteken utbleken utsehn schall (denn kannst den Text bavenöver beter lesen).




- Heel nerrn kannst noch seggen, wat de Schrifttoog **Diagonal** orr **Horizontal** ween schall.
- Mit **Übernehmen** seht Se dat denn glieks in'n Achtergrund.

Dat Bild rechterhand wiest dat ahn Text bavenop.

Man faken willst keen Schrifttoog in'n Achtergrund, sünnern dat Firmenlogo vun dien Firma orr en Wapen orr en anner Bild. Denn geht dat so:

- Klickt Se in den Dialog **Gedrucktes Wasserzeichen** op **Bildwasserzeichen** (Bild neegste Siet).





- Mit den Knoop **Bild auswählen...** kaamt Se denn in en normalen **Öffnen**-Dialog, 'nem Se dat Bild ut en Ordner utwählen köönt.
- Mit de Liste **Skalieren** köönt Se de Grött verännern, **Auswaschen** bedüüdt, dat dat Bild mehr so utbleken wiest warrt.
- **Übernehmen** orr **OK**.

Un wenn Se dat Waterteken mal ganz loswarrn wüllt:

- Klickt Se wedder op **Seitenlayout** | **Wasserzeichen** un denn nernn op **Wasserzeichen entfernen**.

